



Broj: 01/1-50-1-9/07

Sarajevo: 17.04.2007.

Z A P I S N I K
sa 9. sjednice Ustavnopravne komisije

Sjednica je održana 17.04.2007.godine s početkom u 10,00 sati.

Sjednici su prisustvovali članovi Komisije: **Šefik Džaferović, Drago Kalabić, Lazar Prodanović, Halid Genjac, Momčilo Novaković, Ekrem Ajanović, Martin Raguž .**

Član Komisije **Slavko Matić** je bio opravdano odsutan, a **Vahidu Heći** je prestao mandat poslanika izborom za ministra u Vladi Federacije BiH.

Pored članova komisije sjednici su prisustvovali: u ime Vijeća ministara BiH: Sredoje Nović - Ministar civilnih poslova, Esma Hadžagić - Ministarstvo civilnih poslova, Miroljub Krunić – MFT, Tabaković Biljana – MFT, Biljana Trivanović – MVTEO, Hamed Mešanović- Komisija za koncesija BiH.; Pravobranilac BiH Miletić Dragica – Pravobranilaštvo BiH; Arif Smajkić – Ministarstvo civilnih poslova; Dr. Suad Arnautović – Član CIK BIH, Milorad Živković – Prvi zamjenik Predsjedavajućeg Predstavničkog Doma PSBiH, Suad Salkić - OSCE; Alma Smajlović – OSCE - Legal; Gordana Ivanović – OSCE; Maja Ribar - OHR; Daria Duilović – OHR; Nada Zukić - OHR - Legal; Jadranka Mihić– EK.

Sjednici je prisustvovao Milan Zjajić, koji je obavljao poslove sekretara Komisije i pripravnik Đenita Pašić zaposlena u Sekretarijatu PS BiH i student stažista Ajdin Brčaninović.

Sjednica je završena u 15, 15 sati.

Nakon što je predsjedavajući predožio dnevni red u diskusiji su iznešeni prijedlozi da se predložene tačke 6. i 7. odgode. Nakon provedene rasprave Komisija je većinom glasova sa četiri glasa “za” i tri “suzdržana” prihvatila sljedeći:

D N E V N I R E D:

1. Verifikacija Zapisnika sa 7. sjednice održane 05.04.2007. godine;
2. Prijedlog zakona o izmjenama i dopunama Zakona o Vijeću ministara BiH, predlagač Vijeće ministara BiH;
3. Prijedlog zakona o okviru deviznog poslovanja u BiH, predlagač Vijeće ministara BiH;
4. Izvještaj o radu Pravobranilaštva BiH za 2006. godinu;
5. Prijedlog zakona o dopunama Izbornog zakona BiH, predlagač Centralna izborna komisija BiH;
6. Prijedlog zakona o visokom obrazovanju u BiH, predlagač Vijeće ministara BiH, po zaključku Predstavničkog doma sa 5. sjednice od 15.03.2007.;
7. Prijedlog zakona o Agenciji za predškolsko, osnovno i srednje obrazovanje u BiH, predlagač Vijeće ministara BiH;
8. Prijedlog zakona o radijacijskoj i nuklearnoj sigurnosti u BiH, predlagač Vijeće ministara BiH, po zaključku Predstavničkog doma sa 5. sjednice od 15.03.2007.;
9. Prijedlog zakona o izmjenama i dopunama Zakona o koncesijama BiH, predlagač Momčilo Novaković, po zaključku Predstavničkog doma sa 5. sjednice od 15.03.2007.;
10. Ostala pitanja..

Ad. 1. Verifikovanje Zapisnika sa 7. sjednice održane 05.04.2007. godine;

Bez primjedbi, Komisija je jednoglasno verifikovala Zapisnik sa sedme sjednice održane 05.04.2007. godine.

Ad. 2. Prijedlog zakona o izmjenama i dopunama Zakona o Vijeću ministara BiH, predlagač Vijeće ministara BiH;

Nakon provedene rasprave, Ustavno-pravna komisija Predstavničkog doma je većinom glasova i to sa četiri glasa "za" jedan glas "protiv" i dva glasa "suzdržana" utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o Vijeću ministara Bosne i Hercegovine,
2. Ponuđeni tekst je usklađen sa Ustavom Bosne i Hercegovine i
3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Prijedlog zakona o okviru deviznog poslovanja u BiH, predlagač Vijeće ministara BiH;

Nakon provedene rasprave, Ustavopravna komisija Predstavničkog doma je većinom glasova i to sa četiri glasa "za" i tri glasa "protiv" utvrdila sljedeće:

1. Postoji valjan ustavno-pravni osnov za donošenje Zakona o o okviru deviznog poslovanja u BiH;
2. Ponuđeni tekst zakona je usklađen sa Ustavom Bosne i Hercegovine i
3. Ponuđeni tekst zakona se može uputiti u dalju zakonodavnu proceduru.

Ad. 4. Izvještaj o radu Pravobranilaštva BiH za 2006. godinu;

Komisija je u toku opšte rasprave konstatirala:

- a) da je Izvještaj podnešen na osnovu člana 2. a u vezi sa članom 4. Zakona o Pravobranilaštvu Bosne i Hercegovine. ("Službeni glasnik BiH", broj 8/02,10/02 i 44/04);
- b) da je Izvještaj metodološki i sadržajno dobro urađen te da sadrži dosta ocjena i podataka koji daju potpunu sliku o radu Pravobranilaštva BiH u izvještajnom periodu i
- c) da se nepopunjenost pozicija u Pravobranilaštvu može negativno odraziti na kvantitet, kvalitet i efikasnost u radu Pravobranilaštva te da je neophodno što prije izvršiti odgovarajuću popunu.

Nakon provedene rasprave Komisija je jednoglasno usvojila Izvještaj o radu Pravobranilaštva BiH za 2006. godinu i predlaže Predstavničkom domu da usvoji Izvještaj o radu Pravobranilaštva Bosne i Hercegovine za 2006. godinu u ponuđenom tekstu.

Komisija je većinom glasova sa četiri glasa "za" i tri glasa "protiv" usvojila zaključak kojim se od Vijeća ministara BiH traži rješavanje pitanja imovine Bosne i Hercegovine putem hitnog predlaganja i donošenja zakona u toj oblasti.

Za izvjestioca na sjednici Predstavničkog doma imenovan je predsjedavajući Komisije Šefik Džaferović.

Ad. 5. Prijedlog zakona o dopunama Izbornog zakona BiH, predlagač Centralna izborna komisij

Ustavopravna komisija Predstavničkog doma Parlamentarne skupštine BiH razmatrajući kao nadležna komisija Prijedlog zakona o dopunama Izbornog zakona BiH, nakon rasprave u kojoj su učestvovali svi članovi Komsije, utvrdila sljedeće:

1. Na Prijedlog zakona o dopunama Izbornog zakona BiH amandmane su uložili Centralna izborna komisija BiH, Halid Genjac Momčilo Novaković i Remzija Kadrić. Nakon provedene rasprave, Komisija je većinom glasova uz, od strane predlagača amandmana Halida Genjca prihvaćenu modifikaciju – prilagođavanje stavu 2. člana 49. Jedinostvenih pravila za izradu pravnih propisa u institucijama BiH ("Službeni glasnik BiH" broj 11/05), prihvatila amandman koji glasi:

Amandman I

Član 1. Mijenja se i glasi:

"Član 1.

U Izbornom zakonu Bosne i Hercegovine ("Službeni glasnik BiH" broj: 23/01, 7/02, 9/02, 20/02, 25/02, 4/04, 20/04, 25/05, 52/05 i 24/06) u članu 4.24 dodaje se novi stav 2. koji glasi:

"Kandidatska lista za kompenzacijske mandate iz stava 1. ovog člana sadrži imena kandidata u broju koji je najmanje 10% od ukupnog broja kandidata koji se biraju sa područja entiteta i za izborni nivo za koji je sačinjena ta kompenzacijska lista."

Dosadašnji stavovi 2. i 3. postaju stavovi 3. i 4., a raniji član 1. postaje član 2. Prijedloga zakona.

Amandman II

Član 2. Prijedloga zakona, koji se odnosio na intervencije u članu 10.16 se briše.

Amandman III

U članu 3. iza riječi: "Službenom glasniku BiH" dodaju se riječi: "a primjenjivaće se i na rezultate općih izbora održanih 01. oktobra 2006. godine."

2. Komisija je većinom glasova, četiri glasa "za" jednim glasom "protiv" i dva "uzdržana" prihvatila tekst Prijedloga zakona o dopunama Izbornog zakona BiH kako ga je predložila Centralna izborna komisija sa BiH sa usvojenim amandmanima i

3. Komisija je konstatala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Šefik Džaferović.

U toku rasprave član Komisije Momčilo Novaković je ukazivao na nepravilnosti, a prije svih da se nije moglo odlučivati na amandman Halida Genjca, jer se sa tim amandmanom izlazilo iz okvira predloženog zakona i insistirao je da se njegova primjedba zapisnički konstatiraju.

Ad. 6. Prijedlog zakona o visokom obrazovanju u BiH, predlagač Vijeće ministara BiH, po zaključku Predstavničkog doma sa 5. sjednice od 15.03.2007.;

Nakon što je pomoćnik ministra Esma Hadžagić iznijela usmeno mišljenje Ministarstva civilnih poslova o svim predloženim amandmanima, te nakon provedene rasprave u kojoj su učestvovali svi članovi komisije, kao i Milorad Živković prvi zamjenik Predsjedavajućeg Predstavničkog doma PSBiH, Predsjedavajući komisije je predložio da se rasprava o predloženom zakonu odgodi za 27.4.2007.godine kako bi se izjašnjenje dato od strane Ministarstva civilnih poslova moglo dostaviti u pisanoj formi svim članovima komisije, te da se ostavi dovoljno vremena kako bi ga članovi komisije mogli izučiti taj dosta obiman materijal.

Ad. 7. Prijedlog zakona o Agenciji za predškolsko, osnovno i srednje obrazovanje u BiH, predlagač Vijeće ministara BiH;

Identično kao i kod prethodne tačke dnevnog reda ali sad nakon kraće rasprave jednoglasno je odlučeno da se rasprava odgodi za 27.04.2007. godine, kako bi se članovima Komisije ostavilo dovoljno vremena za razmatranje pismenih ekspertskih komentara na predložene amandmane na prijedlog zakona koji trebaju biti dostavljeni od strane Ministarstva za civilne poslove BiH.

Ad. 8. Prijedlog zakona o radijacijskoj i nuklearnoj sigurnosti u BiH, predlagač Vijeće ministara BiH, po zaključku Predstavničkog doma sa 5. sjednice od 15.03.2007.;

Nakon duže rasprave u prisustvu predstavnika Međunarodne agencije za atomsku energiju iz Beča, profesora Arifa Smajkića, Ustavnopravna komisija je konstatovala da je ranije usvojen jedan amandman Momčila Novakovića i da taj amandman nije predmet rasprave, te da su pored amandmana Milorada Živkovića, amandmane uložili Lazar Prodanović i Ekrem Ajanović. Milorad Živković je odustao od svojih amandmana Nakon provedenene rasprave i glasanja Komisija je:

1. Većinom glasova usvojila četiri amandmana, što uz jedan od ranije čini ukupno pet amandmana koji glase:

Amandman I

U članu 5. stav 5. Zakona o radijacijskoj i nuklearnoj sigurnosti u Bosni i Hercegovini mijenja se i glasi:

“U sastavu Agencije osnivaju se regionalne kancelarije u Republici Srpskoj sa sjedištem u Banja Luci i Federaciji Bosne i Hercegovine sa sjedištem u Mostaru.”

Amandman II

U članu 7. u stavu 2. iza riječi “ima” dodaje se riječ “dva”.

U istom članu u stavu 3. riječ “njegovog” briše se.

Amandman III

Podnaslov iza člana 10.briše se.

U članu 11. stav 1. 2. 3. i 4. briše se.

Amandman IV

U članu 16. u stavu 3. iza riječi “Agencije” stavlja se tačka, a ostali dio teksta briše se.

Amandman V

U stavu 3. člana 28. na kraju se umjesto tačke stavlja zarez i dodaju riječi: "uz saglasnost Vijeća ministara BiH."

2. Većinom glasova prihvatila je tekst Prijedloga zakona o radijacijskoj i nuklearnoj sigurnosti u Bosni i Hercegovini kako ga je predložilo Vijeće ministara BiH sa pet prihvaćenih amandmana i

3. Konstatirala da je predloženi zakon neophodno donijeti,

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Šefik Džaferović.

Ad. 9. Prijedlog zakona o izmjenama i dopunama Zakona o koncesijama BiH, predlažać Momčilo Novaković, po zaključku Predstavničkog doma sa 5. sjednice od 15.03.2007.;

Nakon provedenene rasprave i glasanja Komisija je:

1. Većinom glasova usvojila sljedeće amandmane:

Amandman I

U članu 1. tekst iza riječi "glasi:" mijenja se i glasi:

"1. "Koncedent" znači ministarstvo ili drugi organ Bosne i Hercegovine koji odredi Vijeće ministara Bosne i Hercegovine da provede postupak dodjele koncesije u skladu sa članom 4. stav 1."

Iza stava 2. dodaje se stav 3. koji glasi:

"3. "Koncesionar" znači poslovni subjekt osnovan u skladu sa zakonima u Bosni i Hercegovini u vlasništvu domaćeg i/ili stranog pravnog i/ili fizičkog lica, kome se dodjeljuje koncesija i koje izvršava ugovor o koncesiji u skladu s ovim zakonom."

Amandman II

U članu 2. stav 1., 2. i 3. se brišu:

Raniji stav 4. postaje stav 1.

Amandman III

U članu 3. dodaje se stav 2. koji glasi:

"2. U članu 7. dodaje se stav 3. koji glasi: 3. Ako u toku postupka rješavanja konkretnog predmeta, jedan ili više članova Zajedničke komisije nisu u mogućnosti da vrše dužnost, Predsjedavajući Komisije će odlukom imenovati nove članove iz redova članova komisije iz kojih potiče član odnosno članovi koji nisu u mogućnosti da vrše dužnost."

Amandman IV

Član 5. mijenja se i glasi:

"Član 5.

U članu 24. stav 1. mijenja se i glasi:

"1. Komisija za dodjelu koncesija na prijedlog koncedenta donosi odluku o dodjeli koncesije najpovoljnijem ponuđaču koji je ispunio i zadovoljio sve kriterije utvrđene u tenderu.""

Amandman V

Član 6. mijenja se i glasi:

"Član 6.

U članu 25. umjesto stava 3. dodaju se novi stavovi 3. i 4. koji glase:

"3. Ukoliko ministarstvo procijeni da postoji javni interes za koncesiju, upućuje prijedlog Vijeću ministara za donošenje odluke iz člana 4. stav 1. ovog zakona.

4. Nakon donošenja odluke iz predhodnog stava ovog člana ministarstvo podnosi zahtjev Komisiji za dobijanje ovlaštenja za pregovore."

Raniji stavovi 4. i 5. postaju stavovi 5. i 6.

Amandman VI

Član 7. mijenja se i glasi:

"Član 7.

U članu 26. stav 4. mijenja se i glasi:

"4. Ugovor o koncesiji ne može se zaključiti bez predhodne saglasnosti Komisije na predloženi sadržaj i tekst ugovora."

Stavovi 5. i 6. se brišu.

Iza člana 26. dodaje se član 26a. koji glasi:

"Član 26a.

Prenos ugovora o koncesiji

1. Ugovor o koncesiji ne može se prenijeti na novog koncesionara bez prethodne saglasnosti Komisije. U slučaju da koncesionar nije ispunio preuzete obaveze prema međunarodnoj finansijskoj instituciji čiji je član Bosna i Hercegovina, ugovor o koncesiji može se prenijeti na odnosnu instituciju bez saglasnosti Komisije. Prilikom razmatranja zahtjeva za saglasnost, Komisija uzima u obzir:

- a) finansijsko stanje predloženog novog koncesionara,
- b) stručnost i sposobnost predloženog novog koncesionara da pruža usluge i izvršava svoje obaveze iz ugovora o koncesiji,
- c) uticaj koji će dodijeljena koncesija imati na koncentraciju vlasništva u određenom sektoru djelatnosti.

2. Novi koncesionar preuzima prava i obaveze prethodnog koncesionara.

3. Ugovor o koncesiji zaključuje se i izvršava u skladu sa principima važećeg privrednog zakonodavstva u Bosni i Hercegovini."

* * *

2. Jednoglasno prihvatila tekst Prijedloga zakona o izmjenama i dopunama Zakona o koncesijama Bosne i Hercegovine kako ga je predložio poslanik Momčilo Novaković sa usvojenim amandmanima i

3. Konstatirala da je predloženi zakon neophodno donijeti i zbog većeg broja prihvaćenih amandmana sastavni dio izvještaja treba biti verziju teksta Prijedloga zakona o izmjenama i dopunama Zakona o koncesijama Bosne i Hercegovine koja uključuje usvojene amandmane.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Šefik Džaferović.

Ad. 10. Ostala pitanja

Kako nije bilo drugih pitanja predsjedavajući Džaferović je u 15,15 sati zaključio sjednicu.

SEKRETAR KOMISIJE
Milan Zjajić

PREDSJEDAVALAJUĆI KOMISIJE
Šefik Džaferović